

Formannafundur haldinn í Vindási 5. okt 2015 kl 20.00

Sambandsstjóri setti fundinn og bað fólk að kynna sig og segja frá starfi síns félags frá síðasta formannafundi. Þar kom ýmislegt fram og starfið með ýmsu sniði eða engu.

Ný markmið : Pálmi framkvæmdastjóri kynnir. (fskj. 1) og óskar eftir tillögum til viðbótar. Halldóra Lóa vill tengja jafnréttisstefnu við lið 1. Annarsstaðar var hugmynd um að hafa í 3 lið að jafna hlutföll kynjanna.

Stefnu UMSB var ekki talin ástæða að breyta. Áhugavert væri að komast að hver virknin væri í samfélaginu hvað varðar líkamsrækt eða annað félagsstarf.

* Kaffi í boði hestamannafél. Skugga

Fundi fram haldið. og forgangsröðun við uppbyggingu íþróttamannvirkja í Borgarbyggð tekin fyrir. (fskj 2) Nýjir punktar frá félögunum settir inn og þar kom sérstaklega inn að fara verði í saumana á gúmmíkurlinu sem er á sparkvöllum svæðisins, hvert innihald þess er og hversu heilsuspillandi það er. Ef svo er verður að skipta því út og það hið snarasta. Talsverðar umræður voru um hversu hægt gengur að finna útiæfingasvæði fyrir Mótorsportfélagið og Skotfélagið og gagnrýnt að UMSB standi ekki í lappirnar með að ýta þeim málum áfram með þessum félögum. Viðruð hugmynd að ályktun komi frá fundinum til að pressa á BB að drífa sig við að finna útisvæði fyrir þessi félög. Fram kom ályktun til Byggðaráðs vegna útisvæðanna (fskj 3)sem var samþykkt samhljóða.

*Kynning á því starfi sem fram hefur farið til undirbúnings vegna ULM 2016 (og það markmið að sem mest verði eftir í heimabyggð.)

1. fundur ULM nefndarinnar verður í næstu viku og þá verða samningar við UMFÍ og BB undirritaðir, enn vantar 2 í þessa nefnd og einnig verður Ungmennaráð BB virkjað til starfa um þetta málefni.

* Önnur mál : Sigurður benti formönnum félaganna á að á næsta sambandsþingi þurfi að kjósa sambandsstjóra, gjaldkera og varasambandsstjóra þar sem þeir sem nú eru gefa ekki kost á sér.

*Okkur vantar 1 í nefndina sem fjallar um íþróttamann ársins Þórður Eiríksson gefur kost á sér og það er samþykkt.

*Pálmi kynnti tilboð til félaganna um að þau eigi lögheimili hjá UmsB svo póstur lendi ekki úti um borg og bý vegna mannskipta í stjórnnum og þ.h.. Einnig kynnti hann opnunartíma skrifstofu og þjónustumiðstöðvar.

* Starfsmannamál: 6 manns komu í starfsviðtöl vegna starfs íþróttta og tómstundafulltrúa.

* Pálmi bað félögin að setja inn á heimasíðuna lög félagsins, stjórn, eignir og rekstur.

* Fram kom athugasemd vegna aksturs á gangbrautum við íþróttavöllinn í Borgarnesi og ósk um að fólk gangi þennan spöl þó ekki væri nema vegna barna sem ganga þarna á æfingarnar sínar.

* Fram kom athugasemd vegna vanefnda á slætti á Varmalandi og Hvanneyri í sumar. Pálmi hvatti fólk sem eitthvað hefði um þetta að segja að hafa samband strax ef ekki væri staðið við gerða samninga svo laga mætti ástandið og vera betur vakandi vegna næsta sumars. Vellirnir á Varmalandi, Kleppjárnsreykjum og Hvanneyri eru á fjárhagsáætlun næsta árs.

Mættir á formannafundinn eru :

Kristín Gunnarsdóttir gjaldk. UMSB
Sigríður Guðbjörg Bjarnadóttir Badmintondeild Skallagríms.
Bergur Þ. Jónsson Mótorsportfélagi Borgarfjarðar.
Arnar Víðir Jónsson Körfuknattl.d Skallagríms,
Þórður Sigurðsson Skotfélagi Vesturlands,
Helga Svavarsdóttir Sunddeild Skallagríms,
Ívar Örn Reynisson Knattspyrnud. Skallagríms,
Stefán Logi Haraldsson Hestamannafél. Skugga.
Kristján Gíslason Hestamannaf. Skugga,
Þórður Eiríksson Umf. Reykdæla,
Halldóra Lóa Þorvaldsdóttir Umf. REykdæla,
Þórdís Arnardóttir Hestamannaf. Faxe,
Bjarnheiður Jónsdóttir Umf. Dagrenningu,
Guðrún Þórðardóttir Dansíþróttafélagi Borgarfjarðar,
Ulla Pedersen Umf. Íslendingi,
Sæunn E. Sverrisdóttir Umf. Stafholtstungna,
Agnes Guðmundsdóttir Umf. Stafholtstungna,
Ingvi Árnason Golfklúbbi Borgarness,
Sigurjón Helgason Umf. Björn Hítðælakappi,
Pálmi Blængsson framkv. stj.UMSB,
Sigurður Guðmundsson sambandsstj. UMSB,
Ásgeir Ásgeirsson Frjálsíþróttafél. Borgarfjarðar, og UMSB .

Fylgiskjal 1

Markmið UMSB 2016 – 2018 eru:

1. að UMSB fái viðurkenningu sem Fyrirmyndarhéraðssamband ÍSÍ

starfsmarkmið:

- að UMSB hvetji aðildarfélög sín til að taka upp gæðastaðalinn svo fljótt sem verða má
- að UMSB útbúi verkáætlun gegn einelti
- að UMSB efli forvarnarstarf

2. að UMSB sinni reglulegri færniþjálfun fyrir nefndir og stjórnir aðildarfélaga

starfsmarkmið:

- að UMSB útbúi handbók í samstarfi við KPMG um starf gjaldkera ungmennafélaga
- að UMSB haldi námskeið amk. annað hvert ár fyrir nefndar – og stjórnarmeðlimi aðildarfélaga

3. að allir á starfssvæði UMSB stundi einhverja skipulagða líkamsrækt eða félagsstarf

starfsmarkmið:

- að aðstoða aðildarfélögin við að útbúa og innleiða aðgerðaráætlun til eflingar þátttöku stúlkna í íþrótt- og tómstundastarfi
- að efla fjölbreytni í starfi eldri kynslóðarinnar
- að UMSB verði leiðandi í innleiðingu óhefðbundinnar hreyfingar og félagsstarfi
- að UMSB efli samstarf aðildarfélaganna til þess að nýta sameiginlega þjálfara

4. að efla starfsemi þjónustumiðstöðvar UMSB

starfsmarkmið:

- að kynna hlutverk sambandsins fyrir almenningi og aðildarfélögum
- að halda úti virkri heimasíðu sambandsins
- að kynna starfsemi aðildarfélaganna fyrir almenningi

Markmið UMSB 2019 – 2023 eru:

1. að efla verkefni sambandsins og skjóta þannig styrkari stoðum undir fjárhagslega starfsemi þess.

2. að UMSB reki þjónustumiðstöð sem tengir saman aðildarfélög og almenning.

3. að öll aðildarfélög UMSB fái aðstöðu til að iðka sína íþrótt eða félagsstarf.

Fylgiskjal 2

Uppbygging íþróttamannvirkja í Borgarbyggð

Við viljum eiga í sveitarfélaginu íþróttamannvirki sem nýtast vel og við getum verið stolt af. Við viljum geta stundað okkar íþróttir við bestu mögulegu aðstæður hverju sinni og það er ljóst að ákveðin uppbygging þarf að eiga sér stað á íþróttamannvirkjum Borgarbyggðar til þess að við getum sagst eiga íþróttamannvirki í „toppklassa“ á landsvísu. Vissulega eigum við eitt besta frjálsíþróttasvæði landsins (amk. á landsbyggðinni) en við stundum fleiri íþróttagreinar í Borgarbyggð og það er þessvegna sem við þurfum að fara í uppbyggingu fyrir framtíðariðkendur og þar ættum við að stefna að því að eiga amk. eitt mannvirki í sveitarfélaginu í hverri íþróttagrein sem við stundum í Borgarbyggð sem við getum flokkað í „toppklassa“ á landsvísu. Hagkvæmast er að miða við að byggja upp það svæði sem lengst er komið í hverri grein og þannig má sem dæmi nefna; Golfvöllinn að Hamri fyrir golfara í Borgarbyggð, félagssvæði Skugga fyrir hestamenn, Skallagrímsvöll fyrir frjálsar og fótbolta og íþróttahúsið í Borgarnesi fyrir innanhúsiþróttir en rétt er að áætla að minnsti kostnaður og tími fari í að koma þessum mannvirkjum í „toppklassa“ í sinni íþróttagrein. Þessi mannvirki ættum við að byggja upp í náinni framtíð og setja á 10 ára áætlun um uppbyggingu íþróttamannvirkja í Borgarbyggð.

Íþróttamannvirkin í Borgarbyggð eru dreifð víða um sveitarfélagið sem er mjög gott, að vísu eru þau mannvirki í misgóðu ástandi og flest ekki í þeirri stærð sem við hefðum helst viljað. En engu að síður eru þau til staðar og nauðsynlegt að halda þeim vel við og gera þannig úr garði að vel boðlegt sé að stunda íþróttir þar þangað til möguleiki er að taka þessi mannvirki til gagnerrar endurskoðunar og jafnvel endurbyggingar ef svo ber undir. En á meðan uppbygging á sér stað á þeim mannvirkjum sem við stefnum á að flokka sem „toppklassa“ þá leggjum við til nauðsynlegt viðhald og endurbætur á öðrum íþróttamannvirkjum Borgarbyggðar með áætlun um uppbyggingu og viðhald á þeim til næstu 4 ára.

4 ára áætlun:

Þetta er uppbygging og endurbætur sem nauðsynlegar eru svo svæðin séu vel nothæf fyrir þær greinar sem ætlaðar eru á hverju svæði fyrir sig.

1. Skipta út gúmmíkurli á sparkvöllum sveitarfélagsins

- o *Skoða kurlid sem er á völlum í dag og reynist það heilsuspillandi þá þarf að setja í forgang að skipta því út. Algengt er að gúmmíkurli sé unnið úr gömlum hjólbörðum og gerðar hafa verið rannsóknir sem benda til skaðsemi þess á heilsu notenda. Í nýlegri reglugerð KSÍ segir að gúmmíkurli á gervigrasvöllum skuli vera af viðurkenndri gerð, ljóst að lit og án skaðlegra efna.*

2. Fá úthlutað svæði og byrja uppbyggingu á skotsvæði/bogfimisvæði utanhúss.

- o *Vinsældir skotveiða eru að aukast og væri uppbygging á aðstöðu til skotæfinga og bogfimi því góð viðbót við þær greinar sem nú eru í boði og myndi þjóna hópi manna sem ekki eru nú þegar að æfa hina hefðbundnu íþróttir, auka þannig breidd þeirra sem æfa íþróttir á svæðinu. Skotfélag hefur nú verið stofnað innan UMSB sem stefnir að skipulögðu æfinga og keppnisstarfi þegar svæði fæst og uppbygging kemst af stað.*

3. Fá úthlutað svæði og byrja uppbyggingu á akstursíþróttasvæði á vegum MSB.

- o *Stofnað hefur verið Mótorsportfélag Borgarfjarðar og talsverður áhugi er á því að fá svæði og hefja gerð motocrossbrautar. Horft til þess að nýta slagkraftinn sem fylgir Unglingalandsmóti árið 2016 í Borgarnesi og þeirri staðreynd að hefð er fyrir því að keppa í motocrossi á mótinu en engin aðstaða er fyrir hendi á svæðinu.*

4. Uppbygging frjálsíþróttaaðstöðu á vallarsvæðinu á Varmalandi.

- o *Lagfæring á grasvelli á Varmalandi svo hann sé boðlegur til hlaupa og knattspyrnu. Þ.e. slétta völlinn og í leiðinni væri ekki mikið mál að koma upp bættri aðstöðu til stökka og hlaupa við enda vallar og meðfram honum. Langstökksgryfjan og langstökksp plankinn eru niðurgrafin og vantar sand*

5. Byggja upp gervigrasvöll við Kleppjárnsreyki.

- o *Við Kleppjárnsreyki er stór knattspyrnuvöllur sem oftast er ekki er þó illfær vegna snjóá, þurrka eða bleytu. Mikill áhugi er á fótbolta hjá nemendum skólans sem koma af stóru svæði og hafa fótboltaæfingar verið hluti af okkar íþróttamenningu. Nauðsynlegt er að bæta aðstöðu til knattspyrnuíðkunnar á heilsársgrundvelli.*

6. Endurbætur á íþróttasvæði við Sverrisvöll á Hvanneyri.

- o *Ungmennafélagið Íslendingur stendur fyrir fótboltaæfingum, leikjanámskeiðum og frjálsíþróttæfingum eftir því sem aðstaðan leyfir. Ýmisleg mót eru haldin á völlum eins og Sverrismót í fótbolta og Ármót í frjálsum íþróttum. Þá er hann nýttur af íbúum á Hvanneyri til almennrar knattspyrnuíðkunnar og útiveru. Sandgryfja og kúluvarpshringur er við völlinn og eru í sæmilegu ástandi en hlaupabrautin er ónýtt og völlum ósléttur.*

7. Nýtt gras á gervigrasvöllinn í Borgarnesi.

- o *Núverandi Völlur veldur meiðslum og er orðinn 12 ára gamall. Ný kynslóð gervigrasvalla hefur komið fram á sjónarsviðið auk þess sem ætlast er til að skipt sé um gras á 7-10 ára fresti. Völlurinn er mjög mikið notaður, bæði af knattspyrnudeild og skólanum en einnig sem leiksvæði þegar hann er laus. KSÍ stefnir í áttak til að endurnýja gervigrasvelli um land allt og við leggjum áherslu á að nýta það tækifæri og endurnýja gervigrasið með styrk frá KSÍ ef hann býðst.*

8. Vallarhús/Boltageymsla fyrir gervigrasvöllinn í Borgarnesi.

9. Bæta aðstöðu til körfuboltaíðkunar í íþróttahúsinu á Kleppjárnsreykjum.

- o *Fá aukakörfu í íþróttahúsið á Kleppjárnsreykjum sem hægt væri að lækka sérstaklega fyrir yngstu íðkendurna og setja rafmagnstaliur á þær körfur sem fyrir eru. (Frá UMF.Reykðæla)*

10 ára áætlun:

Þetta er framtíðaruppbygging sem miðar að því að innan 10 ára munum við eiga eitt íþróttasvæði í háklassa á landsvísu fyrir hverja íþróttagrein sem stunduð er í sveitarfélaginu, t.d. einn topp golfvöll, eitt topp svæði fyrir hestamenn, einn topp frjálsíþróttavöll, eitt topp íþróttahús, eina topp sundlaug o.s.frv. ásamt því að halda áfram uppbyggingu á öðrum svæðum sem eru víða í sveitarfélaginu.

1. Fjölnota íþróttahús/knattspyrnuhöll með aðstöðu fyrir frjálsar með hlaupabraut og aðstöðu fyrir m.a. lang- og há- stökk.

- o *Vetraraðstaða knattspyrnumanna í Borgarbyggð hefur dregist mjög aftur úr sambærilegum sveitarfélögum. Flest sveitarfélög (svipað stór og Borgarbyggð) sem tefla fram yngri flokkum í knattspyrnu hafa yfir amk. gervigrasvelli í fullri stærð eða knattspyrnuhúsi að ráða og geta þar af leiðandi boðið knattspyrnumönnum sínum upp á að æfa og keppa á heimavelli við góðar aðstæður á heilsársgrundvelli. Frjálsíþróttafólkið okkar þarf að geta æft sína íþrótt allt árið við boðlegar aðstæður til þess að vera samkeppnishæft á lands og heimsvísu og þar að auki getur svona hús nýst öllum sem vilja því það geta allir æft þrek og þol í svona húsi og það allan ársins hring.*

2. Nýr salur í íþróttahús, viðbygging við núverandi sal í Borgarnesi, með skrifstofu og fundar- og félags-aðstöðu fyrir íþróttafélögin.

- o *Íþróttahúsið er umsetið af nokkrum félögum/deildum og mismunandi íþróttagreinum, en lykilatriði er að geta boðið öllum iðkendum uppá viðunandi tímasetningar fyrir sínar æfingar. Því er mikilvægt að byggja við íþróttahúsið þannig að hægt sé að hafa amk. tvo hópa í einu í húsinu og bjóða þannig öllum aldurshópum tíma sem hentar þeim. Salurinn mætti vera stærri svo þar rúmist löglegur handknattleiksvöllur, en kannanir hafa sýnt að töluverður áhugi er hjá ungmennum í Borgarbyggð á því að æfa handbolta. Samhliða því að stækka íþróttasalinn væri sterkur leikur að útbúa félagsaðstöðu/vallarhús vegna þeirra félagslegu áhrifa sem það hefur. Í slíku húsi þyrfti að vera búningaástaða og skrifstofurými, eitthvað sem gæti nýst UMSB, aðildarfélögunum og deildum þeirra. Einnig samkomusalur sem hægt væri að leigja út eða nota fyrir félagsstarf innan UMSB. Flest félög hafa yfir slíku húsi að ráða og það er samróma álit þeirra sem slíkt hús hafa að það bætir mjög andann og samheldnina í félaginu.*

3. Gervigrasvöllur í fullri stærð á Skallagrímsvelli.

- o *Við viljum fá gervigrasvöll á æfingasvæðið við Skallagrímsvöll, þetta er nauðsynlegt til að hægt sé að æfa knattspyrnu við boðlegar aðstæður nokkurnvegin allt árið. Þetta er „plan B“ á eftir lið 1-Fjölnotaíþróttahús/knattspyrnuhöll.*

4. Fá lóð undir svæði til iðkunar hestaíþróttar og hefja uppbyggingu (fyrir hestamannaf. Faxe).

- o *Félagssvæði Faxe var á leigulóð í eigu Ferjukots sem kölluð var Faxaborg. Síðustu 10 ár hefur Faxi haft aðstöðu á Mið-Fossum en sá samningur er nú að renna út*

5. Uppbygging á frjálsíþróttaaðstöðu á Kleppjárnsreykjum.

- *Áður voru frjálsíþróttir mikið stundar í Reykholtssdalnum en það hefur minkað mikið síðustu ár. Meðal annars má rekja það til lélegrar aðstöðu til iðkunnar frjálsíþróttar. Á sama svæði og fótboltavöllurinn er (þó ekki á fótboltavellinum) væri auðvelt að gera aðstöðu fyrir helstu greinar frjálsra íþróttar og mikilvægt að byggja upp aðstöðu.*

6. Byggja upp gervigrasvöll á Varmalandi.

- *Mikil knattspyrnuíðkun er á svæðinu bæði á skólatíma og á sumrin. Aðstaðan sem er til staðar er léleg. Forarblautur völlur og ónýtt mörk. Myndi bæta alla aðstöðu til muna að fá knattspyrnuvöll.*

7. Þarf að bæta innanhúsaðstöðu á Hvanneyri.

- *Félagar í Umf. Íslendingi hafa aðgang að íþróttahúsi Landbúnaðarháskóla Íslands. Húsið er byggt árið 1911 og er 185 m² (7*26m). Lítil körfuboltavöllur er í húsinu, en það uppfyllir ekki allar kröfur til íþróttaiðkunar. Ungmennafélagið Íslendingur notar aðstöðuna til ýmissa æfinga, bæði fullorðna og barna. Þar sem húsið er gamalt þá er ýmislegt sem þarf að lagfæra. Þess má geta þá er engin baðaðstaða í húsinu.*

8. Stækka íþróttahúsið á Kleppjárnsreykjum.

- *Til að styrkja enn frekar íþróttamenningu uppsveitanna er mikilvægt að koma því á langtímaáætlun að stækka íþróttahúsið við Kleppjárnsreyki svo hægt sé að spila á löglegum körfuboltavelli og blakvelli í það minnsta.*

9. Útbúa strandblakvöll á Kleppjárnsreykjum.

- *Hvannir æfa blak í íþróttahúsinu við Kleppjárnsreyki og strandblakvöllur gæti gefið aukna möguleika á æfingum. Einnig myndi völlurinn nýtast til kennslu, fyrir leikjaskóla, íþróttaskólann og til leikja í frímínútum hjá nemendum grunnskólans.*

Viðhald íþróttamannvirkja í Borgarbyggð

Greinargerð:

Öll aðildarfélög UMSB skiluðu inn sínum hugmyndum um endurbætur og uppbyggingu á íþróttamannvirkjum á sínu starfssvæði. Þegar tillögur þeirra voru skoðaðar kom í ljós að margt af því sem tekið var fyrir snýr að eðlilegu og reglubundnu viðhaldi en við teljum ekki sem endurbætur eða uppbygging. Meðfylgjandi eru þau atriði sem við teljum vera eðlilegt viðhald sem ekki hefur verið sinnt sem skyldi og ætti að hafa algjöran forgang svo þau mannvirki sem um ræðir séu nothæf og liggi ekki undir frekari skemmdum sökum vanrækslu.

- ✓ Viðhald á vallarsvæðinu á Varmalandi, slétta fótboltavöll og laga aðstöðu fyrir stökk og hlaup við enda og/eða meðfram fótboltavelli, laga fótboltamörk og merkingar á fótboltavelli, laga strandblaksvöll.
- ✓ Viðhald á Skallagrímsvelli, ekkert sérstakt bara margt sem setið hefur á hakanum lengi.
- ✓ Vantar ýmis tæki og tól fyrir frjálsar á Skallagrímsvöll; kúlur, dýnur, net fyrir kringlukast o.fl.
- ✓ Laga sundlaugardúk í Varmalandslaug og bakkana í lauginni, pússning laus og dúkurinn götóttur. Einnig er kominn tími á hefðbundið viðhald í klefunum, laga gólf og mála veggi.
- ✓ Laga timburverk í kringum sundlaugina á Varmalandi, það er orðið fúíð og er um 6 metra fallhæð þar sem hæst er.
- ✓ Laga blaknet og badminton net og kaupa körfubolta nr. 5 og 7 í íþróttahúsið á Kleppjárnsreykjum.
- ✓ Vantar ný blöndunartæki og sturtuhausu í klefana við íþróttahúsið á Kleppjárnsreykjum, blöndunartækin eru mjög léleg og sturtuhausarnir fullir af kísil.
- ✓ Bæta aðstöðu við sundlaugina á Kleppjárnsreykjum, gufubaðið bilaði og var þá nýtt sem ruslageymsla frekar en að gera við það og það sama má segja um heitu pottana sem voru þrír en tveir hafa bilað, annar var tekinn og hinum var lokað þannig að einn stendur eftir.
- ✓ Skipta út öryggishellum á sundlaugarsvæðinu á Kleppjárnsreykjum, þær eru úr sér gengnar og smita svörtum lit á iljar sundlaugargesta.

Fylgiskjal 3

Borgarnesi 5.nóvember 2015

Byggðarráð Borgarbyggðar

Borgarbraut 14

310 Borgarnes

Efni: Áskorun formannafundar UMSB vegna aðstöðu Skotfélags Vesturlands og Mótorsportfélags Borgarfjarðar.

Formannafundur UMSB, haldinn í félagsheimili hestamannafélagsins Skugga fimmtudaginn 5.nóvember 2015 samþykkir eftirfarandi áskoranir til sveitarstjórnar Borgarbyggðar, með hliðsjón af samstarfssamningi aðilanna.

- Hraðað verði svo sem kostur er, að útvega Skotfélagi Vesturlands aðstöðu utanhúss fyrir starfsemi sína. Skotfélagið hefur nú þegar lagt í mikla vinnu við að fá lausn á þörf sinni fyrir skotæfingasvæði utanhúss og hefur sveitarfélagið vissulega komið þar að málum. Áriðandi er þó orðið að ákvarðanir verði teknar af hálfu sveitarfélagsins svo hægt sé að hefja uppbyggingu á svæðinu.
- Mótorsportfélag Borgarfjarðar hefur einnig óskað eftir aðstöðu utanhúss fyrir sína starfssemi, og hvetur formannafundurinn sveitarstjórn til að leysa úr þessari aðstöðuþörf sem allra fyrst og á þann hátt að ekki komi til árekstra við aðra íþróttastarfsemi á svæðinu.

Þessu er hér með komið til skila.

Pálmi Blængsson

Framkvæmdastjóri UMSB